

17.
19

MINIMUS ET MAXIMUS S I V E

EMINENTISS. AC REVERENDISS. CARD.

MICHAEL ANG. RICCIUS

ORATIO HABITA

IN APATHISTARUM ACADEMIA

D I E

D. MICHAELIS ARCHANGELI

DEDICATIONI SACRA

A MARCO DE RUBEIS

Sac. Florentino S. T. D.

E T

IN ECCLESIA D. PETRI MAJORIS

LITERARUM HUMANIORUM PROFESSORE

A D

INNOCENTIIUM XI.

SUMMUM PONTIFICEM



FLORENTIÆ M.DC.LXXXVI.

Ex Typographia sub Signo STELLÆ.

Superiorum Permissu.

THE UNIVERSITY OF CHICAGO

LIBRARY

1207 EAST 58TH STREET, CHICAGO, ILL. 60637

THE UNIVERSITY OF CHICAGO

LIBRARY

1207 EAST 58TH STREET, CHICAGO, ILL. 60637

LIBRARY

THE UNIVERSITY OF CHICAGO

LIBRARY

1207 EAST 58TH STREET, CHICAGO, ILL. 60637

LIBRARY

LIBRARY

THE UNIVERSITY OF CHICAGO

LIBRARY

LIBRARY

THE UNIVERSITY OF CHICAGO

LIBRARY

LIBRARY

THE UNIVERSITY OF CHICAGO
LIBRARY
1207 EAST 58TH STREET, CHICAGO, ILL. 60637



INNOCENTIO XI.

PONTIFICI MAXIMO

MARCUS DE RUBEIS FEL;



OCTI piique Viri
 AUGUSTINI COL-
 TELLINI suasu, Ti-
 bi SANCTIS-
 SIME PATER;
 de genu supplex
 offero funebrem,
 hanc Orationem;
 quam sua in Apa-
 thistarum Acade-
 mia ejus jussu nu-
 per habui. Quum frequens Auditor & Lite-
 raturus candido plausu dignam duxerit, quæ om-
 nium oculis subjiceretur; quidni Tuo, BEA-
 TISSIME

A :

TISSIME PATER, obtutu dignissimam in-
 de reat? Doloris in solamen Amori superstitus
 amici nulla potest obvenire facundior jucunditas,
 quam obeuntis amici vivax Imago quæpiam. In
 Pictorem non raro cedit dolens Amor, quod Ca-
 put amicum Mortis falce succisum indultrio sibi
 Penicillo restituat. Meo quidem gratularer Ca-
 lamo, si **MICHAELEM ANGELUM RIC-
 CIUM** (cujus docta Probitas imperio Tuo in
 Purpuram erubuit) Tuis avulsam oculis & tra-
 bi, mihi ejus Oratori parentali utcunque conti-
 gerit exprimere. Sed exprimet, opinor; si,
 Pontificæ Majestatis supercilio posito, Tuis,
 (**BEATISSIME PATER**) oculis arriserit.
 Neque diffido fore, ut **SANCTISSIMO**
PATRI non id arrideat, quod **RICCII** de
 se demissè sentientis opinio cæteroquè commen-
 det. Non eadem **ANGELO MICHAELI**
 mens, quæ **MACEBONI**. In humili superbi-
 Oratore Purpuratus hic Vaticani Princeps, non
 secus ac in Apelle suo Magnus ille Prætorum
 Heros. Plebejo in colore vilem fieri Majesta-
 tem Regiam putabat Alexander: Econtra glo-
 riam suam illustrari magis ac magis meo **RIC-
 CI** adumbratus atramento fortè non dubitat.
 Proinde si vulgaris hujus Imaginis è visu perbe-
 nigno solaminis nonnihil hauserit mærens ani-
 mus; erit sanè, cur eam vocer in spem futurum,
 ut Tu **BEATISSIME PATER**, potentis-
 simus Orationi Vindex adsis, & Oratori. Vale.

ORATIO



O R A T I O



A est, Auditores Sapientissimi, humanæ
vitæ brevitæ, ut monstro jam simili-
ma res haberi cœperit, si mortalium
quispiam, unius ætate seculi feliciter
exactâ, sepulcro demum fiat obnoxius.
Rarus quidem est, & præter opinionem
rarus, nec propterea fortunatus ut
Phoenix, quicumq; vel uni seculo supe-

rior, omni spe juventutis recuperandæ penitus amotâ, &
tempore mox in æternitatem præceps delabitur. Cænorâ di-
xerim & abundè vana Poetarum mendacia, non mendacii re-
us, & sanæ mentis compos affirmem ebria Græcorum somnia;
Colchicatum scilicet herbarum succis depulsu. Jasoni so-
nium; & primævo juventæ flori restitutos esse non paucos.
Si quæ citrà fabulas id genus in longum prorogata vitæ pro-
digia stuporem hominum promereantur, non ea sanè præstat
Magica Medea decipientis Ars, aut ementi fontium nescio
quorum remoti latices, sed medentium ingeniorum monstrosa
vis Medicina. Verùm & hæc nobilissima servandi corporis
Facultas, etsi facinus immortale ac planè divinum æentare sic
ausa, ut homo Phœnicis in morem, reddita subindè juven-
tute reviresceret; Pharmacum tamen adhuc non elaborat,
quo vitæ nostræ fugam expeditissimam ita morari valeat; ut
vel annosa quærens, vel quarundam animalium ævum ha-
mano

mano longè diuturnius, nedum excedat, exequet. Morimur igitur, & seriùs ocyùs, tandem aliquandò morimur. Proindè nihil est causæ, cur ob vitam cæteroqui brevissimam quis providæ rerum omnium Parenti Naturæ immeritò succenseat. Etenim quem mihi dederis (modò sub ipsum vitæ limen sepulcralem non cespitarit in lapidem) cui non sit, ut lubet, integrum, vel post Cineres eam vivere vitam, quæ duris Fati legibus non teneatur? Duplex cuique patet ad immortalitatem via: Corporis nimirum caduca proles, & Mentis quæ multò firmior. In Filio quippè Parens, & eruditus in Elucubrationibus ævo feliciore superstes Auctor. Quo circà non est, Auditores, quod mirer, si promerendæ Posteritatis viam hanc apprimè nobilem felix iniverit ingens illud Togæ Decus, ac maximus indè Romani splendor Ostri, Michael Angelus Riccius vitæ Sanctimoniæ, ac Ingenii præstantiæ æquo prædicandus. Siquidem fœcundissimum Musarum Conjugium, ut est sine controversia pudicius, præ corporeo potius habere duxit Heros hic omnium suffragiis integer vitæ scelerisque purus, & Angelus candore morum perindè ac nomine. Lamentari igitur urbs sacra desine, Tibi præreptum, & Orbi Michaellem Angelum Riccium. Vivit enim, vivetque prosperrimè suorum gloriâ voluminum, semel iterum ac sæpiùs non unis prædicatæ Typis. Voluminum, inquam; quoniam etsi veriùs opuscula nominaverim, nihilominus feciùs, quanquàm exigua, nihil habent proindè, quod cedant inani prægrandium moli voluminum. Anxioris ingenii severiorisque fœtus suos; disertissimas scilicet, & doctissimas de Re Erudita Phisicæque Dissertationes: Geometrica: Exercitamenta, & Theologica sibi quis ob oculos ponat; & nihil addubitem, quin sub idem tempus rediviva Michaelis Angeli Riccii non obversetur Imago. Verum enim verò, quemadmodum non unos inter unius parentis filios usavenire consuevit, ut alius aliò contingat esse Patri similior, quod nam è tot Angeli Michaelis elaboratis operibus æquè Patrem, repræsentat, ac Geometrica illa, quam de *Maximis & Minimis* unus idemque *Minimus & Maximus* inscribit, *Exercitatione*, recusa sæpius, & à Cardinale Brancatio veluti Gemma suis

suis aureis in Scriptionibus insita ? Hoc in Opusculo siquidem Michaelis Angeli Riccii Imago vivax elucet, meæ quoque perbrevis Orationis Argumentum habetis, Auditores, & hoc, nisi falsus animi sim, unice proprium. Nempè *Michael Angelus Riccius unus idemque Minimus, & Maximus*. Quod Propositum pro mea virili sicut conabor ut Orator ostendere, ita si vestrarum aurium expectationi satis non fecerim, nequè mihi tanta digna viro contigerit Oratio; gloriæ tamen nonnihil vel inglorius, & laudem aliquam vel illaudatus, non dubium, quin Angelo Michaeli feram; quoniam summo sibi ducendum honori reor; quod Heroum ipse Maximus quia Minimus, in huiusmodi doctissimorum Capitum Panegyri minimum fortitus sit Parentalem Oratorem.

Possum & ego, Auditores, vel meæ sub ipsum Orationis auspiciû Geometriam humanas inter scientias facillè principem, fusioribus quàm obiter, & iis elucubratissimis laudibus evehere; quò ex tantæ disciplinæ præstantia, & mei dignitas Argumenti magis emineret, & in Michaelem Angelum Riccium cultorem ejus apprime studiosum laus emanaret uberior. Verùm in re, quam nulla non ingenia deprædicant, pluribus quàm res in præsens exigat, immorari, supervacaneum arbitror; & duplex illud emolumentum, quod è fusiore præconio nobis obvenire poterat, ex unius de *Maximo & Minimo* Opusculo satis abundè consequi non desperem. Hoc Tractatu præ cæteris Geometria quodammodo superbit, ut qui negotium opèrosius vel acutioribus ingenijis undequaque facessat. Hinc majorem ob difficultatem, quidam veniam in spem futurum, ut & Scientiæ, & ejus Possessori commendatio copiosior emergat.

Arduum quidem negotiû; plenum opus, & ingenio meo satis impar conari fortè cuique videar; si tanquam Orator id pro viribus ausum eluctari, quod ex Facultatis Geometricæ peritis planè nulli contigit adhuc, quod sciam, feliciter evincere. unum scilicet & idem Problema *Minimi* capax esse *Adaximique*. Alterum enim in uno eodemque Problemate plerunquè non alterum patitur. Verùm chim verò quam minimo negotio meum ipse Propositum demonstrando sim;

facile

facile quivis intelliget; si non ex Euclidis, aut Archimedis alicuius Axiomatis, sed è Divini Voluminis Oraculis firmissima rationum momenta mutuer. Hæc hæc inquam, Orationi meæ fidem adstruent indubiam; quippè evidenti certissimâq; dubio procul certiozem. Alia sunt ab humanis Divina Principia.

Et quoniam Heroi nostro Riccio nomen Angelus Michael; illud ipsum Evangelium, quo Diem Archangelo Michaeli Sacram sapientissima celebrat Ecclesia, unicum idemque præcipuum mihi sit in Orationis argumentum. Ex ineluctabili Corporatæ Sapientiæ testimonio si Maximus habetur is, qui Minimus: *Quicumque humiliaveris se sicut parvulus iste, hic est Major*; An non Minimus & Maximus unus & idem Michael Angelus Riccius?

Quod si Propositionis hujusce veritas ob aliquam dubii nubem non omnibus æquè pateat; en ipse cuique faciam satis, si Michaelis Angeli Riccii Vitam Evangelico huic Effatu consonam planè suis ipsius rebus præclare gestis ostendam. Et quidèmi sapientiâ, quàm si parvulos Evangelicos exceperis, non hominum ulli Deus elargitur, adeò supra cæteros ætatis suæ viros sapientissimus Michael Angelus eminuit, ut nostra suum ætas veluti Solomonem aliquem super re quavis consulere non dubitaverit. Et ne arrogantius hæc à me dicta videantur quàm veriùs; an non urbium Dea Gentiumq; Roma, quanquàm ob rerum admirandarum frequentiam nihil ultrà contingat jam, quod admirerèr; sua duxit admiratione dignum, quod pias ædem ac doctas in Riccii Aides non tam Patriassus oblectissimam Bibliothecam, quàm Delphi fabuloso celebres Apolline citra fabulam commigrarint. Sancta Riccii sapiensque Comitatus nullis suæ domus aditum præcludebat, quo liberum cuiq; foret sibi reditum eruditorem habere aut meliorem; quoniam ex hoc Pieratis Sapientiæque Præside totus ipse Litterarum Orbis, & Piorum hominum frequens conventus responsa quæsitis omnibus accommoda suos quisq; fortunatos in profectus exigebat. An non Michaellem Angelum ceu monstrum aliquod Eruditionis & Probitatis præ cæteris Romæ monstris suspiciebat admirabundus

bundus peregrinus ad urbem Orbis? Nemo unus, qui sanguinis aut virtutis nobilitate florens ROMÆ Miraculorum Patriæ visendus hospes intererat, prius urbe discessionem parabat, quin tantum hospitem sæpius inviseret: eo dixerim consilio, semel vidisse non satis esse, ut vultus & eloquium Michaelis Angeli duplex index minimè duplex fidelibus oculis testaretur, quæ remotis auribus Fama minimè mendax prædicaverat.

Hinc, ut parem fileam Græcicæ, ac Latinæ Literaturæ Linguæq; peritiam, admirabilis Riccii Doctrina, & exquisitissima optimarum Artium cognitio in causa fuere, si Romæ non defuerint, qui Riccium longè pulcherrimo nobilitarunt elogio; quum seriò citra fucum assererent, ac passim digitarent, id ævo nostro florere ingenium, quod esset difficultate quacunque majus; adeò ut Alexandro Magno longè gloriosior Riccius Maximus non Ensis ausu fortuito, sed Calami Linguæque prudenti conatu culilibet difficultatum nodo fuerit solvendo. Nullam enim Disciplinarum objicias, quam ille non ad unguem perdidicerit, & ità perdidicerit, ut in unaquaque sola laborasse videretur. Memoriam adeò satis habebat, ut maxima majorem vel ex hoc non immeritò conjicias, quod ejus lingua, si venisset usus, memoriter pronunciare potuerit, quicquid Angelicus D. Thomæ Calamus exaravit. Hinc eruditis doctisq; Libris non ætati modò suæ, sed posteris quoq; seculis abundè prospexit: Hinc Capitum doctissimorum extemporaneis in colloquiis nihil ad ea, quæ proponebantur, hærebat: Hinc negotiorum nullum excogites, quod ipse prudens susceperit, & optatum ad exitum non alacer ipse perduxerit.

Et ne quid interim de sacri prophaniq; ordinis viris, qui nihil inconsulto Riccio peragebant, commemorem; an non plerisq; Pontificum, Vaticanis scilicet Oraculis, Oraculum? Sapientissimam hanc mentem in consilium adhibuere non semel vel summa Christianæ Reipublicæ Capita, urbanus VIII. Alexander VII. Clemens IX. Innocentius XI. ex quorum liberali manu plures Heroi nostro gradus honorum obtigerunt. Quin potius si quid momenti non levis à sacris illis Principibus statuendum quandoq; foret, ex opinionis ejus tutissimo suffragio

pendebat. Et quanquam consilium dare iis, qui in excelsa vitam agunt, prorsus sit periculosa pœnum opus alex; nihilo tamen minus neq; calamum ejus Virorum Principum terror, nequè linguam Aulicorum assentatio prohibebat, quo minus id quod ingenuè sentiret, liberè pronunciaret. Vir erat hic antiquæ simplicitatis, & Christiana generositate dignus, veritatis propugnator acerrimus; adeò ut commendabili aversaretur odio, si quos adamare noverit eam oris hyperisim, qua nefariorum hominum infame vulgus innocentia molitur insidias, quum præferant gratiosum & amabilem vultum, ac specie juvandi per cuniculos innocentes evertunt.

Jam verò, quid hic admirer, Auditores, Doctrinæ, morumq; sanctimoniam Maximum ex æquo Riccium? Si Michael Angelus iis propior Cœlitibus, qui ut in Evangelio CHRISTVS est Auctor, *semper vident faciem Patris*; Divinam mentem ita perdius ac pernox contemplabatur, ut ex illa veritatis æternæ Magistra quantocyùs addisceret, quod suos edoceret Auditores iisque daret ad Pietatis & Literarum profectus non mediocres consilia se digna.

Speciosissima in Riccio docta Probitas adeò mortalium plurimos in admirationem, amorem & imitationem sui pertraxit, ut præ illo Sapientissimum, & æquè Pium Romanorum Regem Numam ridere subeat, cui non Divina Mens ut Riccio, sed ementita nescio quæ Diva, Egeriam Fabulæ somniant, summum Populi principis obsequium conciliavit. Scalæ Jacob, in Deum erectæ Mentis Orationem Sancti Patres meditantur adsimilem. Hanc ascendere assiduà divinarum rerum contemplatione: ex hac descendere Christianæ Religionis quæ privatos, quæ publicos in usus Angelo nostro perfamiliares. Eum se publicè privatimque probabat; ut nullo tempore honestissimis suorum studiis alumnorum, & præclaris eorundem ausibus labor suus & industria decisset; ut qui conatus suos omnes, omnia vitæ suæ studia semper huc destinaret, non ut suis privatis commodis consulere, sed ut Christianæ Rei quam plurimum prodesset. Scientiam non aucupabatur ad solam animi oblectationem, ut sibi caneret ac suis Musis; non vanam ad ostentationem, ut scire tantum vide-

II

videretur, sed ut in commune proferret, ac publicis usibus impertiret. Ingenti sanè cum fructu dixerim, quanta verò cum laude non dixerim, quam ipse adeò non spectabat, ut nec admitteret.

Emicantem Sanctimoniam suæ lucem ita Salibus argutis modestusque joci temperabat, ut nobilium aliquot virorum, qui diu multumque eo familiariter usi fuerant, post ejus Obiitum oculos improvise stupore perstrinxerit, & animus eorum insueto fuerit dolore correptus, quod nihil cætera curiosi, æquàm de Riccio Probitalis opinionem, ut res erat, efformando non fuerint. Ambitiosa lucis osor, pacto quovis efficiebat, ut alienus à cura colligendæ existimationis, & fluxæ promerendæ Posteritatis ad eas virtutes duntaxat foret impiger, quibus inocciduae sceneretur Eternitati.

In egenos opis humanæ profusè misericors plurimorum civium ditabat inopiam manu laudabiliter prodigà: ut inopes locupletaret seipsum spoliasset, nudasset seipsum ut illos ornaret. Fæminarum candorem fædis injuriis obnoxium Nicolai Myrensis Sanctissimi Pastoris æmulator Auro clàm submisso quotiès tutatus est? Quotiès non unius artificis otiosam artem commodatà citra compensationem pecunià promovit? Oblatis ultrò opibus patritiam obvelabat nuditatem, & omnium oribus silentium indicebat, ne suæ subsidiariæ misericordiæ fieret quandoque præco. Abstinebat & ipse mirè prudens supervacaneis à verbis, & in hoc potissima cautio, ne quid è suorum custodia labiorum excideret, quod castissimis aurbus judicariè nonnihil absouum modestia severior; eos quippe in hac morum integritate progressus habuit Riccius, ut Angeli Michaelis Appellationem nunquàm exprobrasset Archangelus Michael, quemadmodum inertissimo suorum Militum Magnus Alexander. Et suum hoc cum Coelitem Principe Michaele commune nomen jam à puero futura fuerat omen probitalis. Innocentià nihil habuit antiquius, quippe quæ cum ipso nata & adulta æqualem summæ senectuti produxit ætatem.

Dignissimam hic scitu rem non abs re reor alienum inferere; quod Jobo, qui suis cum oculis fædus pepigit, ne cogitarent

quidem de Virgine, Riccius longè purior: & Africano Scipione longè sanctior, qui teste Lucio Floro, & singularis, Sanctitatis ejus, ut ipse ait, encomiaste, captivos pueros puellasque præcipuæ pulcritudinis, Barbaris restituit, ne in conspectum quidem suum passus adduci, ne quid de Virginitatis integritate saltem oculis delibasse videretur; quoniam Riccius pæpud coelebs, undè Jobo præstat: & non obiter, ut ille Charraginis Everfor, sed nunquam suis oculis ultrò permiserit fæminei vultus obtutum. At hic ego cum Floro veridè non exclamem, o singularè Michaelis Angeli Riccii Sanctitatem! Innocentiam cum lacte Riccium, aut pro lacte suxisse! Aded sese rotus ejus candor corpori animoque infudit. Vidisses in ipso modestiam inaffectatam, quæ membrorum præses motus suos omnes moderabatur & mores. Ad hæc quam parcas in victu? Severa in hoc frugalitas, ac propè dixerim cibi abstinencia corpus in animum extenuabat. Solabatur non famem explebat cibi parcissimus. Quam modicus in cultu? Cubiculum ipsum Sacris Imaginibus frequens, ipsumq; lectum, ut imaginem quandam priscæ frugalitatis aspexeris. Liquidissimi verò sensus Pietas Cælestem in Dapem, quam sextâ quoq; Feriâ, festisq; diebus omnibus obibat, divino cordis calore tabescens oculorum suavi stillicidio ubertim rorabat. Deniq; suis hic unicus erat scopus: ut suâ cuiq; industria aliquam adferret utilitatem; Id si minùs assequi poterat, certè ne quam adferret noxam. Quin etiam si forte fortunâ contumeliis invidiæ provocaretur, non mediocriter cauebat, ne suorum hostium famæ vel levissimam labem aspergeret. Cum iis ne verbo quidem expoſtulabat. Non ignorabat Sapientissimus Heros, quemadmodum Christianum non est injuriâ injuriâ pensare, ità parum generosi pectoris esse suos inimicos fæminarum exemplo conviciis ulcisci. Tantùm igitur aberat, ut quicquàm offenderetur, si quis in Eum hostis insurgeret, ut alienas injurias quâ verbis humanissimis, quâ beneficiis, hoc est Charitatis armis ulcisceretur.

Sed puerum Evangelicum, Minimum scilicet planiùs evincit, humiliter demissèque de se sentientis opinio. Erat ingenio pænè cælesti, eruditione singulari, judicio longè acerrimo, & tamen

& tamen si publica utilitas aliquot ingenii monumenta ex ejus religiosa Modestia poterat extorquere, non prius edebat in vulgus, quin illa vel inferioris notæ censoribus ingeniis excutienda committeret. Præclara sunt, & supra omnem commendationis aleam assurgunt ea, quæ cum usu publico communicavit: Nec minora censeri debent, quæ intra Vestæ penetralia liberali custodia asservavit, ut erat fugitans ambitionis, & sui ipse contemptor. Et quisquam dubitabit, Maximum extitisse Michaellem Angelum Riccium; quum ex Evangelii præscripto sese Minimum fecerit, eiq; Puero, qui *Magnus etiam Domine* propiorem Innocentia formarit. Nequæ mirum cuiquam videri debet; quoniam altissimæ Demissionis jacto fundamento, reliquarum structura Virtutum in eam celsitudine excrevit, quam suspicere quidem silentio possim, narratione autem metiri nequeam. Non enim is ego sum, qui audeam, universa quæ Sapienter dixit, eruditè scripsit, ac piè gessit æquare narrando. Verùm etsi tanto par Heroi fusiulque præconium extet immortale apud ævi nostri Scriptores eximios Thomam Cornelium Gassendum, Renatum Franciscum Salsium, Ricchardum Blancum, Sfortiam Cardinalem Pallavicinum, Raphaellem Fabbretum, Orbis Litterarii multiplex Astrum & princeps: apud Vincentium Viviani Mathematicæ Rei Decus, Carolum Dati Humanioris Litteraturæ Lumen, Rodolphum Christianum Bodenaufen, qui Musarum Severiorum Amor est, & Amæniorum, Augustinum Coltellini, quem sibi Riccius (ut mutuis in epistolis calamus perfamiliaris est testis, & ipsius Purpurati vivi clientes fidem faciunt) ob morum candorem ingeniiq; præstantiam suis in operibus expressam, in paucis amicum voluit; & alios, quos brevitatis promissæ fides non patitur ut in præsentia recenseam; unum tamen imprudenti silentio non premam, nequæ tacitus id præterirem, undè validissimum Oratio mea desumit argumentum; honoris scilicet appetentiam plerisque indomabilem quibus armis infregerit omittendum non est.

INNOCENTIVS XI. qui Vicarias in præsens Divinitatis Vices gerit in terris, cujus admirabili pertractandis in rebus

rebus industriæ Christiana Respublica debet adversus Turcas Christiani Nominis hostes infestissimos jam jam Triumphatores, Victoriæ omnium ætatum memoria dignissimam : **INNOCENTIUS**, casus animi Magnitudo nihil ad ostentationem, omnia refert ad conscientiam, rectèque facti non ex populi sermone mercedem, sed ex facto petit : **INNOCENTIUS**, in quem illud ex Oratore Plinio tempèstivè cadit, Pontifex Is est, qui dignus sit eligere : Ministri, quos ex optimis legit, ut qui digni sint, ut eligantur : Magnos Hic terq; Maximus, Divinæ Voluntatis interpres, omniq; judex Sanctitatis non dubiis argumentis Ricci Doctrinam eximiam paremque Probitatem diu perspectam habens, Purpuram Virtutis eminens Præmium dum ultrò Riccio deferret Maximum nobis Riccium exhibet, & Minimum e contrà uno eodemq; momento similis attonito demiratur Orbis ; quum Michaellem Angelum intueatur oblati Purpuræ Insignibus relictantem . . Neq; Purpuratorum Patrum Senatui Probitatis hoc ingens & Doctrinæ Lumen accessisset, nisi Riccium ad id Honoris supræmæ Pontificis adegisset Auctoritas ;

Pontificio jam jussu Riccius Ostro donatus Ecclesiæ præfulget ; At ò fluxa terræ gaudia ! Magnitudinis hoc primæ Sidus in Ecclesiastico Cælo ROMÆ tandem oboritur, & opinione celerius extinguitur ! Plaudit Orbis huic non emendicato Lumini, & in Ortu sero festinum dolet Occasum ! Verùm tantus Hic Vir, si lucis aded brevis ipse sim interpres, à sui demissione in Cælum erectus, affluentes hominum plausus præfestinatâ mortalis vitæ fugâ declinare præoptavit exoravitq; à Deo. Et quæ Michaellem Angelum Riccium ad Purpuram, eadem ad Cælum virtus evexit. Par equidem fuerat, ut terrenus Angelus ad Cœlites sui consimiles abiret, & cœlestem demissione sedem superbia Luciferi vacuam occuparet. Atque ipsa Romualdi Sacra Familia Moribus quàm Habitu cándidior (cujus instituto sanctissimo Terra Cœlo tot alit Angelos, quot numero so tutissimòq; sinu triumphatores Mundi transfugas excipit) breve quidem at efficax in Terris experta Riccii Purpurati Patris Patrocinium apud **INNOCENTIUM** Pontificem Maximum, apud

Maximus

Maximis Majorem in Coelis CHRISTUM IESUM efficacius sperat, & æternum. Redivivum in potentissimo Protectore Conditorum suum Romualdum Admirationis, & Imitationis obsequio Sacet hic Ordo deveneratus est.

Gratulabimur igitur ejus Beatitati: Occasum ejus ignavo luctu non prosequemur. Reliquum est, ut qui Christianum Orbem in admirationem traxit, trahat in imitationem. Tot præclara sui Pignora nobis reliquit, quorum decus nulla Posteritas silebit, nulla unquam obliterabit oblivio. In iis contemplari licet ingentis Viri effigiem, longe melius expressam, quam penicillis Apellis, aut cælo-Lyppi. Hæc nobis ad æmulationem honorum facies adjicient.

Tanti est, Auditores Sapientissimi, Michaellem Angelum Riccium tam animi modesti Virtutem excoluisse; cujus beneficio tum maximè Dignitatum cultum allequebatur, quum ima vestigaret. Nequè est, cur faciendæ plenius super hac re fidei, prisca Poetarum superstitione fabuletur, ac prædicet jactabunda suum ex ætætu terræ Antæum reviviscere sublimiorem. Rem ego fecerim eruditioni vestræ supervacaneam, si victricis præmia dexterae Palmas memorem, quæ victoriis natæ ponderibus obnituntur, assurguntq; degravatæ triumphalem in libertatem. Amœnissimum quoque non exequar ingeniosis in fontibus aquæ salientis ingenium, quæ descensu metitur altitudinem suam. Hæc & horum similia prætereire fas est; quando Codicis Evangelici gravior Auctoritas, quemadmodum meæ fuit Orationi perillustre Caput, eidem eadem esse debet & Coronis. Qui humiliaverit se sicut parvulus iste, hic est Major: Qui fecerit, & docuerit, hic Magnus vocabitur in Regno Cælorum. An non illi Minimi Maximeque vocamen accomodum; quum Michael Angelus Riccius, ad omnem Christianæ perfectionis amulsim vitam exegerit & Parvulum Evangelicum nulla non ætate servaverit: & ea, quæ præscribunt Evangelii leges, ut exequabatur, edocuerit.

Quis igitur pernegaverit, quod Michael Angelus Riccius fuerit unusidemq; *Minimus & Maximus*; Demissione Minimus, Meritis Maximus; quod, ut cum GEOMETRIS, quorum ipse tam amans fuit, finem faciam, demonstrandum suscepseram.

D E O L A U S

Adm. R. D. Hyppolitus de Tonellis accuratè perlegat , & recognoscat an ista in Oratione adsit aliquod aduersum S. Fidei , & bonis moribus , & referat , Dat. 29. Februarii 1685. ab loc.

Nicolaus de Castellanis Vicarius Generalis Florentinus .

Illustrissime ac Reverendissime Domine

In hac funebri Oratione , in qua Rhetoricis coloribus Eminentissimi , ac Reverendissimi D. Cardinalis Riccii Imago redi-viva exprimitur , nec Fidei puritas , nec morum probitas obumbratur : ideòque publicam meretur lucem , utpotè quæ legentibus exhibere potest & incitamentum ad Virtutem , & calcar ad Gloriam . In quorum fidem

Ego Hyppolitus de Tonellis S. T. D.

Attentà suprascriptà relatione imprimatur 23. Febr. 1685. ab loc.

Nicolaus de Castellanis Vic. Gen. Flor.

Placeat Illustrissimo Domino Augustino Coltellini Advocato Consultori Jubilato S. Officii Florentiæ examinare præsentem Orationem & in scriptis referre &c. Datum hac die 26. Februarii 1685.



Fr. Franciscus Antonius Frasi Vicecancellarius S. Officii Florentia Ordinis Min. Conu.

Reverendissime Pater Domine

Dum Mors triumphat in Purpura Sacri Collegii , disertus Orator triumphat in Cathedra universitatis plaudentibus cunctis ; sed ne doleamus quæso eorum Fata , quos per Gloriam vivere intelligimus , & ad nostrum solamen utrique avulso non defecit alter ; Leopoldo Ser. Franciscus Maria Princeps Aureus , & simili frondesceat virga Metallo ; & Michaeli Angelo Jacobus Frater tantarum virtutum cumulatissimus hæres , ut Ostro insigniri dignissimus judicetur à Sanctissimo Patre Familas in locum demortui substituetur , donec tandem Stola gloriæ supervestitus germano jungatur in Cælo . Annuat votis Deus , & interim Oratio prodeat in lucem , ut cum MEDICEA Litteratorum Obem perlustret .

Augustinus Coltellini Advocatus , S. Officii Consultor , & Librarium Censor emeritus mea manu &c.

Attentà suprascriptà relatione imprimatur . Die 30. Martii 1686.

Fr. Franciscus Antonius Frasi Vicecancellarius S. Officii Flor.

Robertus Pandolfinius Sen. Sereniss. Mag. Duc. Aud.